

KAMATATA TABEUA NAKOIA TE BOTAN AOMATA IBUKIN KANOAKIN TE PAC.

E kukurei te Ministry of Labour ni katanoata nakoia te Botanaomata bwa ea uki ngkai kanoan te boma ke anakin te boma ibukin te PAC ke ibukiiia naake a tangiria ni kan maeka I NZ, are moa man 3rd April ao ena toki 28th April 2017. Ena kona n anaki forms ke boma aikai n aobitin TTS I Abarao.

Aikai baika a tangiraki ke baika kam riai n ataia imwain ae kam na KANOAKIN te PAC.

- ❖ Te ririki ni maiu bon 18 – 45 te ririki, aio are ena boboto riki nakon neiere ke teuare ena kanoa te PAC ke te Principal Applicant. Naake ana rin irarikina eaki taraaki aia ririki.
- ❖ Boon kanoan te boma ke te Registration bon \$84 ibukiiia naake a tibwa aia moantai ni kanoa te PAC, \$41 ibukiiia naake a tia ni kanoaia mai mwaina. Ibukiiia kaain Kiribati ake a mena I Fiji kam kona naba ni kanoaia ao ni karinii ami boma (forms) n TTS i Fiji n aron teini boona aikai, ibukiiia ake a tibwa kanoaia FJD\$113 ao naake atia ni kanoaia mai mwaina FJD\$45.
- ❖ Teuare ke neiere ena kanoa te PAC ke te Principal Applicant ena riai n bwaati ke n kona n taetae n imatang ibukin reitakina n taetae ni Matang are ena karaoia ngkana arona bwa ea reke nte PAC ma kaain te Immigration mai NZ, ao boni ibukina naba ni kanoan ana boma (form) ngkai boni ngaia ae ena riai ni kanoaia.
- ❖ Kona riai ni marurung n akea aorakim n te aro bwa kona riai ni kaitara te mwakuri iaon NZ ngkana arona bwa koa reke n te PAC.
- ❖ Ena riai n iai am mwane ae tauraoui ke am savings ibukin kaitaraan kabanemwane ngkana arona bwa koa reke nte PAC n aron aikai: Boon te Permanent Residence (PR) application n temwaiti ae \$1,200, te tutuo (full medical clearance) n te mwaiti ni mwane ae \$40 iaon temanna, te police clearance ni boona ae \$5 ao te kantoka ke te airfare nako NZ n te katautau ae \$800 te one way ibukin temanna. Are nanona bwa ena riai ni iai am mwane ke am saving n te mwaiti ni mwane ae \$2,200 ibukin ti kaitarakin baika ana kainanoaki imwain te mwananga. Aio te katautau iaon te mwaiti ni kabanemwane ngkana arona bwa koa reke ti nakon temanna te aomata are nanona bwa ngkana ko kairia am Utu ao mwaitin am kabanemwane ena kamwaitaki ma te mwaiti ni mwane ae \$2,200 aio ti ibukin te mwananga nako NZ.
- ❖ Ena matata naba bwa iai riki kabanemwane aika kona kaitara mangaia naba inanon moan rokom iaon NZ are nanona bwa kona riai ni uota te mwaiti ni mwane ae \$2,000 ibukiiia naake a single ke atuai ni iein ao tao \$5,000 ibukin te Family ke te Utu ma natiia.
- ❖ Ena riai ni matata bwa karekean te Job Offer ke te mwakuri ae e tauraoui I NZ tiaki ti nakon neiere ke teuare e kanoa te PAC ke te Principal Applicant ma ena kona naba n reke nakon ana Dependent ke naake a rin inanon te Application form.
- ❖ Kona riai naba n ataia bwa aekakira NZ, n aron kateina, aekakira aron te maiu iai ma aron tauan kanoan te bong n aron tain te mwaitoro, te kabuebue, tera arom n reitaki ma ngaia n aron te taetae ao tabeua riki baika kona riai n atai ibukin NZ.
- ❖ E kukurei te Ministry of Labour ni ibuoobuoki ke ni kamatata riki nakoimi te botan aomata ngkana kam tangira te kamatata iaon te PAC. Ti kona n reke iaon te tareboon number ae 21097 n aoan te makuri.

